

讀史方輿紀要卷三十七

崑山顧祖禹景范輯著
南昌彭元端芸楣校定

山東八

遼東都指揮使司

東至鴨綠江五百六十里南至旅順海口七百三十里西至山海關一千

一十五里西北至大寧廢衛八百六十里東北至建州衛七百九十里自都司至布政司二千三百三十

里至京師一千七百里

古冀青二州地舜分冀東北為幽州即今廣寧以西

地青東北為營州即今廣寧以東地春秋戰國並屬

燕秦置遼東遼西二郡漢初因之武帝拓朝鮮并割

遼東屬邑置樂浪元菟真番臨屯四郡昭帝省臨屯

讀史方輿

卷三十七

山東八

一

敷文閣

紀要

真番郡後漢因之後為公孫度所據

度自稱平州牧傳四世魏景初

二年司馬懿擊滅之

三國魏置東夷校尉治襄平而分遼東昌

黎郡晉志昌黎郡魏置

樂浪元菟帶方

帶方郡公孫度置

五郡置平州

晉改遼東郡為國仍隸平州

通典魏因公孫度之舊分遼東五郡置平州後

還合幽州又東夷校尉居襄平後改為護東夷校尉晉咸寧二年仍置平州以慕容廆為刺史治昌黎屬

永嘉之亂遂有其地大興三年為慕容廆所據太和五年屬於

苻秦後又屬於後燕晉太元十年高句麗寇遼東後燕將王佐救之為高句麗所敗

遼東元菟遂陷於高麗是年慕容農復取之

後魏得之仍為遼東昌黎等

郡尋又為高句麗所據唐征高麗初置遼蓋二州後

又置都督府九又置安東都護以統之

通典總章元年李勣平高

麗得城百七十六分其地為都督府九州四十二縣
一百置安東都護於平壤城以統之用其酋渠為都
督刺史縣令上元二年徙都護於遼東故城儀鳳二
年又徙新城聖歷元年更名安東都督府神龍元年
復曰都護開元二年徙於平州天寶二年又尋為渤
徒於遼西故郡城領靺鞨州十四至德後廢
海大氏所據五代時地入契丹阿保機葺遼陽故城
建東平郡尋升為南京遼志云城名天福又改為東京遼陽
府金因之元初置東京總管府至元二十四年立遼
陽等處行中書省明年改東京為遼陽路明洪武四
年置定遼都衛八年改為遼東都指揮使司十年草
所屬州縣置衛永樂七年復置安東自在二州今領
衛三十五州二

讀史方輿

卷三十七 山東八

二

敷文閣

紀要

司控馭戎貉限隔海島漢劉歆議孝武東伐朝鮮起
元菟樂浪以斷匈奴之左臂者也後漢之季東陲日
漸多事及晉失其綱慕容氏并有遼東遂蠶食幽薊
為中原禍蓋其地憑恃險遠鹽鐵之饒原隰之廣足
以自封而招揀旁郡驅率奚羯乘間抵隙不能無倒
植之勢矣自晉大興以後遼東不入職方者幾數百
年慕容燕拓跋魏高麗相繼有之隋常圖之而不能有唐雖得之而
不能守也五代梁貞明五年契丹據有其地漸營京
邑以侵擾中華金人亦啟疆於此用以滅遼弱宋蒙
古先取遼東西而金人根本撥矣後亦置省會於此

以彈壓東垂明朝都燕遼東實爲肘腋重地建置雄鎮藩屏攸賴司之西北則朶顏福餘泰寧三衛東北則高麗耽羅迤北等地而廣寧開元居其嚙吭金復海蓋並稱沃饒爲之根本邊牆西自山海東抵開元延袤二千餘里東西濶絕議者以應援爲虞成化二十年邊將鄧鈺言永樂時築邊牆於遼河內自廣寧東抵開元七百餘里若就遼河迤西徑抵廣寧不過四百里以七百里邊塹堡寨移守四百里若遇入寇應接甚易宏治六年按臣李善亦言邊牆阻遼河爲固濱河之地延壘八百餘里土脈鹹鹵秋修春頽動

讀史方輿

卷三十七

山東八

三

敷文閣

紀要

費巨萬夏旱水淺不及馬腹冬寒冰凍如履平地所在城堡畏賊深入遂將良田數萬頃棄而不佃况道路低窪每遇雨水泥濘不通倘開元有警則錦義廣寧之兵不過遙望浩歎而已臣詢之故老云有陸行舊路自廣寧抵開元約三百餘里兼程不二日可到地形高阜土脈滋潤有古顯州城池遺址卽遼濱城見瀋陽衛計莫若開舊路展築邊牆起廣寧碁盤山直抵開元平頂山二山在塞外移分守八百里之兵聚守三百里之地錦義爲西路廣寧爲中路遼陽爲東路開元爲北路四路聲援相接如率然之勢庶廟堂可寬東顧之

憂矣議格不行邊防致河兩一帶隨山起築多用石砌廣寧以東地勢平衍惟藉版築宏

治中科臣鄒文盛嘗言沿邊野草繁茂水土便益甚利陶治若以歲役丁夫燒磚修砌邊牆除山谷深峻

不必修砌者約千餘里及時督成可為金湯之固議格不用說者曰司負山面海

水深土衍草木豐茂魚鹽饒給正德三年撫臣劉璠言遼東邊儲止是屯糧歲用不給二十五衛俱有鹽場每年例該煎鹽三百八十五萬六千四百三十斤給軍食用但鹽場去

衛願遠運道甚艱莫若召商開中糴買糧料為便從之三岔河南北數百里木

葉白雲之間大定故城在焉見直隸大寧廢衛乃委以昇敵

俾得進據腹心限隔東西寧前高平諸處一線之險

形援易阻保邊長策得毋坐失之哉

定遼中衛附郭在司治東南漢襄平遼陽二縣地屬遼東郡後漢仍為襄平縣地晉及後魏因之高

紀要齊時為高麗所據唐平高麗復曰襄平縣後沒於渤海契丹置遼陽縣為東平郡治尋為遼陽府治金仍舊元為遼陽路治明洪武四年改為衛治入

年改置都司治焉十年廢縣十七年置今衛

定遼左衛附郭在司治西南洪武四年

定遼右衛附郭在司治西北洪武四年

定遼前衛附郭在司治東北建置同上

定遼後衛附郭在司治西北洪武四年置初名遼東衛

東寧衛附郭在司治北為左右前後四千戶所尋又增

置中所以論成者實之

自在州附郭永樂七年置治開元城內領

新附之衆後徙置於東寧衛西偏

遼陽城

今司治遼志契丹神冊四年葺遼陽故城謂

遷東丹國其宮城在東北隅南為三門壯以樓觀

四隅有角樓相去各二里外城謂之漢城天顯十

年改曰東京遼陽府金元皆因舊城明朝洪武五

日安定右曰太和東面門二左曰平夷右曰廣順

西面門一曰肅靖北面門一曰鎮遠十二年展築

東城一里其北又附築土城以處東寧衛內附之

衆永樂十四年復修築北城南北一里東西四里

合於南城司城共周二十四里有奇北城之門三

東永智西武靖北無敵自是每加修飾萬歷庚申

以後鞠為茂草矣。遼陽廢縣在司城內漢縣屬

遼東郡後漢安帝初改屬元菟郡晉廢遼志云遼

陽縣漢沮水縣也高麗改為句麗縣渤海為常樂

縣遼為遼陽縣按沮水縣漢屬樂浪郡

遼志悞也金元俱為遼陽縣明初廢

襄平城之亦謂之遼東城慕容廆使其子翰鎮遼東

即其城也後魏亦為遼東郡治隋大業八年渡遼

水圍遼東城唐貞觀十八年親征高麗拔遼東城

以其城為遼州儀鳳初移安東都護府於遼東故

城明年復移新水至安東都護府五百里故漢襄平

城是也又司東北有武次城亦漢縣屬遼東郡東

純要

讀史方輿

卷三十七

遼東

山東

五

敦文閣

鶴野城

司西八十里漢居就縣地屬遼東郡晉因之

後廢渤海置雞山縣於此遼改為鶴野屬遼

陽府金因之元廢入遼陽縣。宜豐城在司西南

百里遼置宜豐縣兼置衍州治此亦曰廣安軍金

皇統三年州廢以縣屬遼陽府元初縣廢又來遼

城亦在司西南遼志本屬女真地統和中伐高麗

置城於此金升為州元廢

石城故城

在司東金置石城縣屬遼陽府元省志云

又東南有故石城蓋高麗故城也唐貞觀二十一

年遣牛進達等白萊州渡海擊高麗拔其石城進

至積利城敗其兵而還又橫山城亦在司東唐史
太宗征高麗拔其橫山等城又顯慶四年薛仁貴
破高麗於橫山即此

紫蒙城

在司東遼志漢樂浪郡樓方縣地後佛涅國
置東平府領蒙州紫蒙縣遼因之屬遼陽府金廢

嶺縣渤海復置紫蒙縣遼因之屬遼陽府金廢
于河城在司東北晉大興三年慕容廆取遼東平

州刺史崔岳奔高句麗高句麗將如奴子據于河
城廆遣將張統擊擒之又湯州城在司北遼志云

漢襄平縣遼廢縣存州在東京西北百里金廢
嘉利五縣遼廢縣存州在東京西北百里金廢

興遼城

在司西南遼志漢遼東郡平郭縣地渤海改
為長寧縣遼曰興遼縣屬遼陽府金廢○婆

速城在司東四百七十里金初置統軍司於此天
德二年置總管府貞元初又置府尹為婆速府路

元譌速為婆曰婆娑府至元十七年
改隸東京總管府後廢為巡簡司

鳳凰城

有司東南三百五十五里其相近有鳳凰山山上
壘石古城可屯十萬眾相傳唐太宗征高

讀史方輿

卷三十七

山東八

六

敷文閣

紀要

麗驛蹕於此明朝成化十七年以朝鮮使臣還國
道經山下為不知何人所掠奏乞於舊路南新開

後實為出沒還途是撫臣王宗彛奏言鳳凰山前
漠舊無烽墩請自山之東北三百餘里其間土地廣

此築立一堡名為鳳凰城距城西六十里曰叙列
站宜築立一堡曰鎮寧堡距城西北六十里曰新

通遠堡於堡南增築一堡曰寧夷堡各置軍馬為
鳳凰城聲援則自遼陽直抵朝鮮烽墩聯絡既拒

邊外行旅竊掠亦便朝鮮使臣往來朝議改鎮夷
堡為鎮東寧夷堡為鎮餘悉從之志云鳳凰城

東南去鎮江城凡百餘里○鎮江城在司東南四
百六十里舊為朝鮮貢道其相近者有安奠堡明

朝天啟元年毛文龍襲安奠入鎮江城是也又有
斬木城及火烟溝等處其西北與鳳凰城相近

首山 司西南十五里曹魏景初二年司馬懿伐公孫
淵潛濟遼水進至首山大破淵軍遂圍襄平是也

唐貞觀十八年征高麗車駕渡遼水軍於馬首山

即此山矣或謂之駝蹕山唐史駝蹕山在安市城外志云首山一名手山以山頂石上有文如指掌

故云

平頂山

司東百里山中產蒲魚又千山在司南六十里

峯巒叢密以千數記中有龍泉溫泉香巖等寺及

仙人臺羅漢洞諸勝○華表山在司東六十里因

丁令威化鶴得名俗呼為橫山又通明山在司南

九十里山多洞穴俗名窟龍山又有石門山在司

東南四十里舊有石門砦萬歷

中李如松救朝鮮道出於此

安平山

司東北百里俗名平曠山一名天成山上有

鐵塲置百戶所戍守屬瀋陽中衛又龍鳳山

在司東南四百里大蟲江出焉司東北五百里又

有幹羅山大梁水出焉○老鴉山在司西百三十

里明初故元平章

高家努聚兵處

鳳凰山

司東三百六十里詳上鳳凰城其相近者曰

青山○大石嶺在司南十五里又分水嶺在

司東四百里又有大盤嶺在司東南近大海志

云司北邊外百餘里有車輪坡為三衛駝牧處

西彌島連在司東南海中天祚中毛文龍言西彌島相

島後珍珠島與朝鮮國境鐵山城中雲從山前西彌

十里水程僅三十里西彌大路至朝鮮之義州百

六十里鐵山去遼陽三百六十里

紀要

讀史方輿 卷三十七 山東八 七 敷文閣

遼水

司西三百六十里又西距廣寧衛二百里自塞外

又南至海州衛西南入海行千二百五十里魏司

馬懿伐公孫淵圍襄平會大霖雨遼水暴漲運船

自遼口竟至城下平地水數尺隋大業七年伐高

麗至遼水衆軍俱會臨水為大陣高麗阻水拒守

隋兵不得濟命宇文懼造浮橋三道於遼水西岸

既成引橋趨東岸橋短丈餘士卒赴水接戰高麗

乘高擊之為所敗乃引橋復就西岸命何稠接橋

二日而成諸軍進戰於東岸高麗大敗明年復渡

遼攻遼東城未克會楊元感作亂引還唐貞觀十

八年遣營州都督張儉等討高麗值遼水漲儉等

久不得濟既而車駕至遼澤泥淖三百餘里人馬
不可通詔閣立德布土作橋軍不畱行既濟即撤
之以堅士卒之心及師還以遼澤泥潦遣長孫無
忌將萬人剪草填道水深處以車為梁而渡今遼
地遇雨則多淖蓋天設之險矣永樂築邊牆於遼
河內東西曠絕自廣寧至遼陽以遼河為津要秋
冬冰結人馬可以通行易於應援冰開時為敵所
據則兩城勢孤雖有渡船不能猝濟天順十一年
邊臣馬文升請復浮橋以聯聲援從之自是常加
修治遼志遼河出東北山口為大河西南流為大
海口入

太子河

在司東北五里一名東梁河一名大梁水源
出幹羅山西流五百里至此又折而西南至
渾河合為小口會遼河入於海司馬懿斬公孫淵
父子於梁水之上即此或曰太子河即故衍水燕
後人因名為太子河中

渾河

在司西北一名小遼水源出塞外西南流至瀋
陽衛合沙河又西南流至都司城西北入於太

讀史方輿

卷三十七

山東八

八

敦文閣

子河水經注小遼水出元菟高句麗縣之遼水西
南逕襄平縣為淡淵晉永嘉中淵涸小遼水又逕
襄平入大梁水

鳴綠江

有司馬警水西南至遼東郡西安平縣入海過

郡二行一千里一百里郡二元菟遼東也新唐書馬
警水出靺鞨長白山色若鴨頭號鴨綠水杜佑曰
鴨綠水瀾三百步在平壤西北四百五十里遼水
東南四百八十里隋大業八年伐高麗分道並進
皆會於鴨綠水西唐貞觀十九年程名振等拔卑
沙城遣將耀兵於鴨綠水又龍朔元年契苾何力
討高麗高麗守鴨綠水不得濟何力乘冰堅渡水
大破之乾封二年李勣伐高麗管訢元萬頃檄文
曰不知守鴨綠之險高麗報曰謹聞命矣即移兵
拒守唐兵不得渡乾封三年李勣大破高麗兵於
鴨綠柵進圍平壤高麗降宋大中祥符二年契丹
主隆緒伐高麗渡鴨綠江高麗敗保銅州元至正
二十年元主廢高麗王伯顏帖木兒立其昆弟在
京師者曰塔思帖木兒以兵送之國高麗國人不

服至鴨綠江高麗伏兵四起兵敗僅餘十七騎還
京師今鴨綠水源出長白山下流入海與高麗分
界萬歷二十年大帥李如松等援朝鮮出石門至
鳳凰山渡鴨綠江而東是也○大嶽江在司東四
百里源出龍鳳山
南流入於鴨綠江
海司南七百里三十里齊都賦海之旁出者為渤海東
延袤二千三百里其南面皆臨渤海遼志遼陽府東至
北烏魯虎克四百里南至海邊鐵山八百六十里
西至望平海口三百六十里東西南三面皆抱大
海

連山關司東南百八十里地有連山因名朝鮮入貢
鎮湘關又有刺榆關在司南百七十里○鴉鶻關
在司東南三百三十里其東有喜昌口乃中外分
界處天順三年帥臣趙輔等分軍由鴉鶻關喜昌
口又踰鳳凰城黑松林摩天嶺至潑豬江斬獲而
還萬歷四十七年大帥李如松由清河出鴉鶻關是也

讀史方輿 卷三十七 山東八 九 敷文閣

德勝營在司西六十里舊為軍士屯戍之所又虎皮
衛鐵場百戶所置於此

首山堡在司西南三十里以近首山而名又南沙河堡在
里○鞍山堡在司西南六十里以地有鞍

柳寨堡在司北舊為柳條寨宏治中始增置營堡於
此又蓮花泊堡在司北九十里又長勇堡在

司東北邊防攷堡南有毛得山為屯兵按伏之所
又長安堡在司西北五十餘里其西為長

甜水堡在司東南九十里亦曰甜水站遼海衛鐵場百
戶所置於此又南八十里曰草河堡又有青

峇峪堡在司南百五十里其相近者曰白澤山○東
丹堡在司東百二十里其相近者曰靜寧墩
根單堡在東丹堡東三十里其相近者曰靜寧墩
兵衛也志云馬根單堡與清河堡鐵場堡靈陽堡

杞距皆七十餘里中間有乾河
王老諸嶺皆險隘可守之地也

清河堡

司東南三百里南臨太子河堡西有白塔佃
關往來○散洋峪堡在清河堡西嘉靖二十五年
置當鴉鵲關之衝又司東南三百七十里
有巖場堡有金人砦可接伏又有孤山堡

鰲陽堡

在司東南四百餘里近堡有湯頭溪可接伏
又新安堡在鰲陽堡西近堡有石嶺兒梁家
峪皆設險處也又泗馬吉堡在

險山堡

有雙嶺臺堡東有石岔口鎖果直等臺○寧
東堡在險山堡西南其南又有江沿臺堡亦嘉靖
二十五年增置又湯站堡在險山堡西其西南與

鳳凰城
接界

寬奠堡

司東南五百里萬歷六年築又東北有松子
嶺林剛谷堡東又有瞭馬佃亦曰瞭馬臺○

紀要

讀史方輿
卷三十七

山東八

十

敷文閣

長奠堡在寬佃南百里其東北五十里為永奠堡
又大佃堡在寬佃東三十里又東為石岔口驛

又寬奠北三十里曰新奠堡俱萬歷六年置
邊防攷寬奠新疆邊人謂之張其哈刺佃子

牛毛砦

在司東北塞外其北又有馬家砦志云牛毛
砦相近有萬遮嶺又有葛祿砦亦在寬奠塞

甬道

在司西遼河上隋大業八年伐高麗起浮橋渡
遼水因築甬道於河旁唐貞觀十八年伐高麗

李世勣勦軍發柳城多張形勢若出懷遠鎮者而潛
師北趨甬道出高麗不意渡遼水至元菟即隋所
築甬道也懷遠鎮
見直隸廢大寧衛

海州衛

里

司西南百二十里南至蓋州衛百二十里西至
廣寧衛二百四十里東南至鴨綠江三百八十

秦漢時遼東郡地後魏末為沃沮國地高麗為沙卑

城渤海號南京南海府遼為海州南海郡金曰澄州

元廢明洪武九年置今衛

衛襟帶遼陽羽翼廣寧控東西之孔道當海運之咽喉

喉遼左重地也

沙卑城

今衛城亦曰卑沙城高麗所築壘石為城幅員九里或譌為卑奢城自登萊海道趨高麗

之平壤必先出此隋大業十年來護兒出海道至卑奢城敗高麗兵將趨平壤高麗懼而請降唐貞

觀十八年伐高麗張亮帥舟師自東萊渡海襲卑沙城其城四面懸絕惟靺鞨門可上唐兵拔之總

章初李世勣復得其地後沒於渤海置南京南海府兼置沃州領沃沮靺鞨龍山濱海昇平靈泉六

縣遼改置臨溟縣為海州治金為澄州治元州縣俱廢明洪武九年改築衛城周六里有奇

新昌城

在衛東漢縣屬遼東郡後漢因之永寧二年高句麗與鮮卑寇遼東太守蔡諷追擊之於

讀史方輿

卷三十七

山東八

十一

敷文閣

紀要

新昌戰歿晉亦為新昌縣咸和九年慕容仁自平郭趨新昌都護王寓擊走之遂徙新昌入襄平時

仁與慕容皝相攻也居就城在衛東北漢縣屬遼東郡後漢省晉復置咸和九年慕容皝擊其弟

仁於遼東入襄平居就及新昌皆降於皝

析木城

衛東南四十里漢望平縣地屬遼東郡後漢因之晉改屬元菟郡渤海置花山縣遼改曰

析木屬遼陽府尋置銅州廣利軍治焉金皇統三年州廢以縣屬濬州元省

遼隊城

衛西六十里漢縣屬遼東郡隊讀隧後漢初廢公孫度復置曹魏景初元年幽州刺史母

邱儉擊公孫淵屯遼東南界淵逆儉於遼隊會天雨十餘日遼水大漲儉戰不利引軍還右北平明

年司馬懿伐公孫淵淵使其將卑衍楊祚屯遼隊圍壘二十餘里懿伴出其南而潛軍濟水出其北

徑指襄平晉廢水經注遼隊縣在遼水東岸是也渤海國置永豐縣遼曰仙鄉縣屬遼陽府金廢

耀州城

衛西南二百里渤海置椒州於此領椒山貂嶺漸泉尖山巖淵五縣遼改置耀州仍屬海

州南海軍節度金廢志云巖淵城在衛西南百里
卽渤海所置縣也金廢。濱州城在縣西北百二
十里渤海晴州置於此領天晴神陽蓮池狼山
仙巖五縣遼改置濱州仍屬海州南海軍金廢

三角山 衛南二十里又衛東南三十里
有白山山東三十里有滑石山

遼河 在衛西南五十五里自遼陽界流入又南注於
海謂之三岔河當東西往來之衝亦謂之遼澤

或謂之黃水晉咸和八年慕容仁舉兵平郭襲慕
容孰於棘城至黃水知事露乃還據平郭胡氏曰
黃水在險瀆故縣界
蓋卽遼瀆之異名

南北通江 衛西百八十里源出衛東滑石山自東而
西橫渡遼河折而南流又折而東復入於

遼河其間有閘洲方
十餘里可以耕稼

散水河 在衛北源出塞外西流經衛境下流入太子
河又新開河在城西七十里城西二百九十

里又有開通河下
流俱滙於遼河

讀史方輿 卷三十七 山東八 十二 敷文閣

渤錯水 在衛西北唐貞觀十九年親征高麗攻安市
城不克引還至遼東渡遼水遼澤泥淖車馬

不通命長孫無忌剪草填道至蒲溝駐馬督填道
諸軍渡渤錯水暴風雪士卒沾濕多死者胡氏曰
蒲溝勃錯水皆
在遼澤中也

梁房口關 衛西南七十里又東南九十里卽蓋州也
衛西運之舟由旅順口達者於此入於遼河

旁有鹽場三其二屬瀋陽衛一屬遼海衛各置百
戶所屯戍。大片嶺關在衛東百十里亦置官軍

守戍

永豐堡 衛西南六十里又西有臨清廣積保寧鎮海
等四堡。東勝堡在衛北其西南爲東昌堡

堡東有趙皮灣向
爲屯兵設伏之所

牛家莊驛 衛西北九十里又西北八十里爲沙嶺驛
西至廣寧七十里又耀州驛在衛南六十

里又南六十里卽蓋州也。杜家屯在衛西北遼
河東岸亦與廣寧接界又衛西南九十里有鹽場

衛東九十里
有鐵場
各置百戶所司之

蓋州衛司南二百四十里南至復州衛百八十里西北至廣寧衛三百六十里東至鴨綠江五百五十里

秦漢時遼東郡地高麗為蓋牟城唐置蓋州渤海因

之又改為辰州志云以路通辰韓也遼初為長平郡尋為辰州

奉國軍金初改軍曰遼海軍尋又改州曰蓋州軍仍

曰奉國元初為蓋州路尋復為州以州治建安縣省

入屬遼陽路明洪武九年廢州置衛

衛控扼海島翼帶鎮城井邑駢列稱為殷阜論者以

為遼東根柢允矣

讀史方輿

卷三十七

山東八

十三

敷文閣

紀要

蓋牟城今衛治亦名曰葛牟城唐貞觀十八年伐高麗取蓋牟城因置蓋州志云遼置建安縣為

州治元省入州明洪武五年改築今城周五里有奇

熊岳城在衛南六十里遼志渤海杉盧郡也鎮縣五曰山陽杉盧漢陽白巖霜巖遼改置盧州元

德軍金州廢以州治熊岳縣屬蓋州元廢志云縣西至海十五里傍海有熊岳山今為熊岳堡下有

熊岳河

安市城衛東北七十里漢安市縣屬遼東郡後漢及晉因之高麗亦曰安市城唐貞觀十九年征

高麗攻安市城不克引還咸亨三年高麗餘衆復叛遣將高侃擊之敗之於安市城渤海改置鐵州

鎮位城河瑞蒼山龍珍四縣遼仍為鐵州亦曰建武軍改置湯池縣金州廢以縣屬蓋州元省今為

湯池砦堡遼志鐵州城在東京西南百六十里又後黃城在衛東亦高麗所置唐太宗攻安市先拔

其後黃銀山二城胡氏曰高麗東境城也與安市相近時又拔其橫山磨米麥谷等數城

秀巖城

在衛東南本名大寧鎮金明昌四年升為秀巖縣泰和四年廢為鎮貞祐四年復為縣屬蓋州元廢又興遼城在衛東遼志漢平郭縣地渤海置長寧縣遼曰興遼縣屬遼陽府金廢○烏骨城在安市東南近大海唐史自登州東北海行至烏湖島又行五百里東傍海嶠有道至烏骨江唐貞觀中太宗圍白巖城烏骨城遣兵為聲援又太宗圍安市市不下羣臣皆言宜釋安市并力拔烏骨城渡鴨綠水直取平壤是也

平郭城

在衛南漢縣屬遼東郡後漢因之晉省縣而城存大興四年慕容廆以其子翰鎮遼東仁年郭威仁於平郭自昌黎東踐冰而進凡三百餘里至歷林口捨輜重輕兵趣平郭遂克之歷林口蓋在衛西北昔時濱海要口也七年魏又使其子恪鎮平郭城後魏時廢○建安城在衛東南漢平郭縣地高麗置建安城於此唐貞觀十八年伐高麗張儉進遼遼水趣建安城又李世勣言建安在南安市在北安市先下然後向建安二城蓋相近

紀要

讀史方輿

卷三十七

山東八

十四

敦文閣

也儀鳳初徙熊津都督府於建安故城其百濟戶口先徙徐克等州者皆置建安舊志自遼東城西南行三百里至建安城遼置建安縣蓋循故名耳非即舊城也

西安平城

亦在衛東南漢縣屬遼東郡後漢及晉因襲燕安平破之即此城也○交城在衛西漢置交縣屬遼東郡後漢改曰汶縣晉因之咸和八年慕容皝遣將攻其弟仁於平郭敗於汶城之北胡氏曰汶城在平郭之西

永平監城

衛南白五十里永樂七年建城周三里有奇有東西南三門志云舊有昇平新昌等監六甘泉安山河陰古城等苑二十四後惟存永寧一監清河深河二苑仍屬遼東行太僕寺及苑馬寺寺皆置於鎮城內

駢蹕山

在衛東唐史本名六山在安市城外貞觀十年征高麗攻安市城高麗將高延壽等來救帝曰彼若勒兵連安市而壁據高山取城中粟食之縱其鞬擣掠吾牛馬攻之不可下此上策也及

延壽至距安市四十里而屯帝曰虜墜我策中矣
既延壽又進一舍至城東南八里依山為陣上命
李世勣將兵陳於西嶺長孫無忌將奇兵自山北
出狹谷以衝其後自將步騎挾鼓角偃旗幟登北
山上命諸軍聞鼓角齊出奮擊及戰高麗兵敗無
忌斷其歸路延壽乃降因名其山曰駟蹕或曰衛
東分水嶺諸山即太宗駟蹕處也
又六山今廣寧鑿無間山之別名

石城山 衛東北十五里上有石城城中有泉相傳唐
太宗征高麗土人築此城以避兵又平山在
衛北五十里三萬衛鹽場百戶所置於此又北十
里有關山。竈突山在衛東南十五里羣山環遶
中有孤峯特起若竈突然又布霧山在衛東南百
十里其山最高常有雲霧在其上又有城子山在
衛東南百
七十里

青泉山 衛南九十里或曰即泉山也唐咸亨二年高
麗酋鉗牟尋叛立安舜為王詔高侃李謹行
討之破其安市城三年又敗之於泉山即此或云
今復州衛城南四十里有龍泉山即故泉山云。

讀史七輿 卷三十七 山東八 五 敷文閣

紀要 望海山在衛西南三十五里登山可以
望海又衛西南五十里有亭羅鋪山

分水嶺 衛東百四十里綿亘數百里山下有泉東西
松嶺在城南百十里又南十里為貓兒嶺又鍋兒峪
在衛東南五十里邊防攷衛又有豬兒峪明初葉
旺等敗
敵處

清河 衛南五里源出衛東分水嶺西南流經此一名
州南河又西流合於泥河志云衛南有柞河或
為梓河即明初葉旺敗敵處或以為即清河之
支流也。泥河在衛東七十里亦曰蘄芋濼以水
多蘄芋草也或謂之泚水誤矣又五重河在衛東
北百五十里源亦出分水嶺流經城東北有杓子
河流合焉下流匯清河泥河之水為臨
江注於海志云臨江在衛東南三百里

畢里河 衛東南百八十里一統志源出衛東南山谷
間南流經復州衛入海本作畢列河唐乾封
元年詔李勣為遼東道行軍大總管伐高麗又詔
獨孤雲卿出鴨綠消郭待封出積利道劉仁愿出

畢列道金待問出海谷道並為行軍總管受勳節
度畢列道蓋以此水名俗譌為畢利河其相近者
有將軍山即明
初葉旺敗敵處

鴨綠江

衛東南五百里與朝鮮分界。八角湖在
衛西近海鐵嶺衛鹽場百戶所置於此

海

衛西十里又西十里為歸洲又西南百十里曰葦
子套波濤險惡不利行舟志云衛南海口有馬石

津晉咸和九年遣使者由海道致命於慕容皝船
下馬石津皆為慕容仁所留時就在棘城路由平
郭始達也新唐書自登州大洋洋東北行過大謝龜
歆等島北渡烏湖海至馬石山東之都里鎮所謂
馬石津當
即此處也

連雲島關

衛西十五里置關以控海濱之險又梁房
口關在衛西北九十里又有梁房口堡設

兵戍守與海州接界。石門關
衛東七十里亦有官軍戍守

曷蘇館

在衛東南契丹移女真部落數千家於此置
館領之謂之熟女真金亦置曷蘇館路節度

讀史方輿

卷三十七

山東八

十六

敦文閣

紀要

使後徙於寧州尋
廢寧州見三萬衛

背陰寨堡

衛西北十五里又西北有平山堡八角湖
堡衛南百二十里有五十寨堡又衛東北

九十里有排山寨東二百五十里有岫巖寨。鹽
鐵場志云衛西四十里有鹽場百戶所北九十里
有鐵場
百戶所

復州衛

司南四百二十里南至金州衛百八十里西北
至廣寧衛五百四十里東南至海二百四十里

秦漢時遼東郡地唐沒於渤海遼置復州懷德軍金

仍曰復州元廢明洪武十四年置今衛

衛山海環峙川原沃衍亦遼左之奧區也

永康城

今衛治遼置永寧縣復州治焉金大定七年
更名永康元廢洪武十五年因舊城修築永

樂四年增修
周四里有奇

得利羸城

衛東八十里元季土人築以避兵明初洪武四年置遼東衛治此尋徙入司城中曰

定遼後衛又南有廢德勝縣遼置屬復州金廢

明山

明衛東十里亦曰明王山相傳以高句麗王子東明葬其上因名又鍋鐵山在城南十里○駱駝

山在衛西三十里又西二十里海中有屏風山

長興島

衛西南四十里亦曰長生島內容五軍復州糧一萬二千而長生輪其七又茶河島在衛

西南五十里又西南三十里曰長山島上有塔○萬灘島在衛東海中陸行至島二百四十里水行

不過六十里又老鴉島在衛西北四十里

沙河

衛南八里出衛東得利羸城山下流經此衛南三十里有麻河流合焉西注於海又窪河在衛

西一里源出駱駝山東流注於沙河○畢里河在衛東北二百四十里又東北四十里有杓子河會畢

里河入海

讀史方輿

卷三十七

山東八

十七

敷文閣

紀要

海

在衛西四十五里有白沙洲最為險要南為南信口北為北信口

樂古關

衛南六十五里以近樂古山而名有官軍戍守

盤谷堡

衛東二十里其東南又有富川秀山臨溪三里又有胡十八砦堡○鹽鐵場志云鹽場百戶所

在衛西四十二里鐵場百戶所在衛北九十里

金州衛

司南六百里南至大海百二十里西北至廣寧衛七百二十里

秦漢時遼東郡地高麗為南蘇城遼曰蘇州安復軍

金皇統三年廢貞祐四年改置金州元廢明洪武四

年置今衛

衛控臨海島限隔中外明初屢有倭警自劉江告捷

而患息舊置運道由登州新河海口至金州鐵山旅

順口通計五百五十里自旅順口至海州梁房口三
岔河亦五百五十里海中島嶼相望皆可灣船避風
逆道由此而達可直抵遼陽瀋嶺以迄開元城西之
老米灣河東十四衛俱可無不給之虞自正德以後
舊制寔廢嘉靖中雖嘗舉行而議者旋以奸民伏匿
爲言復罷嘉靖二十七年遼東大被督臣王忬等請
開海禁以紓遼困從之四十年山東撫臣
朱衡言其不便復罷夫創法之初以遼隸山東者正以旅順海
口片帆可達登萊耳乃修舉無術坐視遼左之匱乏
而莫之恤歟

南蘇城

今衛治高麗所置晉永和初燕王皝遣慕容恪攻高句麗拔南蘇隆安二年燕慕容盛以

讀史方輿

卷三十七

山東八

十八

敷文閣

紀要

高句麗王安事燕禮慢自將兵襲之拔新城南蘇
二城開境七百餘里隔大業七年伐高麗分遣段
文振出南蘇道唐貞觀二十一年李世勣伐高麗
渡遼水歷南蘇等城敗其兵而還又乾封二年薛
仁貴破高麗兵拔其南蘇等城顯慶中置南蘇州
於此尋沒於渤海遼置蘇州兼置來蘇縣爲州治
宋建隆初女真自其國之蘇州泛海至登州賣馬
故道猶存宣和初復由此道遣馬政等通金謀攻
遼金改置化成縣尋爲金州治元州縣俱廢
明洪武四年修築舊城周四里有奇是也

歸勝城

在衛東北遼置歸州治歸勝縣金廢爲歸勝鎮又衛東有懷化城遼置縣屬蘇州金省

沓氏城

在衛東南漢縣屬遼東郡後漢因之晉廢志云遼河旁有沓渚漢沓氏縣因以爲名非也

縣西南臨海渚謂之沓渚三國吳嘉禾二年謀討公孫淵陸瑁曰沓渚至淵道里尙遠蓋泛海至遼沓渚其登涉之所也魏景初三年以遼東沓縣吏民渡海居齊郡界立新沓縣卽沓渚之民矣

新城

在衛西胡氏曰新城西南傍山東北接南蘇木底等城晉咸康五年慕容皝擊高句麗兵及新

城高句麗乞盟乃還隋大業九年復伐高麗遣王仁恭出扶餘道仁恭進至新城攻之不拔唐乾封二年李世勣伐高麗渡遼謂諸將曰新城高麗西邊要害不先得之餘城未易取也遂壁西南山臨城城下進擊一十六城皆拔之此蓋高麗之新城也

木底城

在衛東胡氏曰此高麗之南道也晉咸康八年慕容皝擊高句麗高句麗有二道其北道平澗南道險狹慕容翰曰彼以常情料之必謂大軍從北道當重北而輕南今以銳兵從南道擊之出其不意丸都不足取也別遣偏師從北道縱有蹉跌其腹心已潰网支無能為矣皝從之遂克高句麗蓋從北豐而進者為北道從南狹入木底城而進者即南道也義熙初後燕慕容熙攻高麗木底城不克唐乾封二年高麗襲新城薛仁貴敗之進擊高句麗兵於金山遂拔其南蘇木底倉巖諸城尋置木底州於此後廢倉巖本高麗二城名唐置倉巖州亦在衛境

大黑山

在衛東十五里絕頂有城四面懸絕惟西面一路可通中有井昔人避兵處也又有小黑山

紀要

讀史方輿

卷三十七

山東八

十九

敷文閣

在衛東北七十里又衛東北一百五十里有獨山以挺然獨秀而名○鐵山在衛西南百五十里亦曰鐵山島為濱海要地又宋家峪在衛東北十五里衛東二十里又有姚家峪衛南五十里有狗兒峪

南關島

衛南二十里天啟中守將張盤議開河斷南關島以守衛城即此又杏園島在衛西四十里河口島在衛北三十五里海青島在衛東南四十五里

蓮花島

衛東三十里濱海險要處也衛東南百二十里又有金線島俱有兵戍守明朝永樂十七年大帥劉江於金線島西北望海壩上築壘備倭會瞭者言東南海洋內王家山島夜舉火江急遣馬步軍趣壩上小堡備之翅日倭泊馬雄島登岸徑奔望海壩江大敗之志云王家山島在衛東南三百里海中馬雄島在金線島東南○蕭家島在衛東北百五十里有蕭家島關駝兵戍守又青山島在衛東北百二十里志云衛境片七十二島羅列海濱居民往往漁佃於此明時遼左流民多居其地

雙島

志云有二南雙島在衛西南百里又北十里即北雙島餉遼圖自旅順口西鐵山至老貓圈三十里又西北至雙島四十里自雙島至羊頭凹四十里羊頭凹至八隻船四十里八隻船至宗島三十餘里宗島至長行島亦三十餘里長行島至老瓜島六十里又至歸州百餘里又至南套三十里南套至蓋州二十里又由北套百餘里而至三岔河自旅順口至三岔河凡五百五十里此由海道泝遼河之舊迹也

三山島

在城南海中天啟中毛文龍言三山島在旅順東三百里從島可以入旅順旅順者登萊朝鮮水路津要也三山島轉北二百里為廣鹿島從島可入金州廣鹿島而東五十里為長山島從島可入復州長山東北二百餘里為石城島從島可入海州石城相近有小松島從島可入蓋州石城又東二百餘里為鹿島從島可入岫巖麗島而東二百里為鮮鎮寬叢以兵守之乘間抵隙可以惟意所向矣

讀史方輿

卷三十七

山東八

二十

敷文閣

皮島

衛東七百餘里地形廣衍有險可恃天啟中毛文龍屯駐於此其東北為僧福島又東北即朝鮮東境之鐵山矣○長行島在衛東南百餘里天啟中毛文龍使朱昌國駐長行島曾有功駐三山島張盤守金州為百里碁布之勢是也

海

衛西三十里又衛境東南二面皆濱大海○東沙河在衛東百里下流入海

貴端水

在衛西南唐永徽五年程名振等討高麗渡遼水趣新城高麗以其兵少開門渡貴端水逆戰名振等大破之焚其外郭而還今堙

旅順口關

衛南百二十里海運舟達金州衛者至此戶所在此備禦又哈思關在衛南十八里

望海塢堡

衛東南七十餘里地特高可駐兵千餘洪武初都督耿忠於此築堡備倭寇至必先經此海濱咽喉地也永樂十七年總兵劉江用石壘之後乘海艦入狃直逼城下登岸索戰江出奇

敗之賊奔櫻桃滙空堡江園之特開西壁以待其
奔分兩翼夾擊盡殲之遼之倭患遂絕櫻桃滙或
云在堡東北又堡西有左眼右眼三手西山沙州
山頭爪牙山敵臺凡七所接旅順口是皆明初所
置

百河堡

衛北六十里衛西南六十里又有木場堡又
紅嘴堡在衛東八十里衛東北七十里有歸
服堡又東北三十餘里有黃骨島堡○鹽鐵場志
云衛東北百三十里有鹽場百戶所衛東百三十
里有鐵場百戶所邊防考

赤烽鎮

在廢新城東唐顯慶三年營州都督
程名振等攻高麗拔其赤烽鎮即此

廣寧衛

司西四百二十里西至山海關五百八十里西
南至廣寧中屯衛百八十里東南至海州衛二
百四十里南至
海百三十里

秦漢遼東郡地晉因之後魏亦屬遼東郡後沒於高

讀史方輿

卷三十七 山東八

三

敷文閣

紀要

麗唐復取其地尋沒於渤海為顯德府地遼置顯州

奉先軍金改為廣寧府亦曰鎮寧軍初屬東京路尋

屬北京路元亦曰廣寧府至元十五年改為廣寧路

明洪武二十三年改置今衛

衛西衛渝關東翼遼鎮憑依山海隔絕戎奚地大物

繁屹然要會用之得其道易高麗之舞草朱蒙之音

不難也昔之議邊事者每曰備鎮靜則寇不能北來

駐三岔則寇不能東渡廣寧要會約有二途云

廣寧中衛

在城內西南開洪
武二十七年置

廣寧左衛

在城內東北開洪
武二十七年置

廣寧右衛

在城內西北隅洪武二十七年置初治大凌河永樂元年徙治衛城內

無慮城

今衛治本漢之無慮縣屬遼東郡後漢屬遼東國元初二年遼東鮮卑圍無慮又陽嘉初

鮮卑寇遼東屬國耿燧移屯無慮拒之晉省唐置州治金改為廣寧縣元省縣入府明初因舊城修築周十里有奇永樂中總兵劉江增拓南關是後數修築嘉靖三十四年復增築南關合於北城謂之新城

鍾秀城

衛西南五里遼奉先縣地金天會八年改置鍾秀縣屬廣寧府後廢尋復置元至元六年

廢又衛東北有故歸義城遼置縣屬顯州金廢○間陽城在衛西南三十五里漢無慮縣地遼景宗賢葬此謂之乾陵因置乾州廣德軍并置奉陵縣為州治金天會八年州廢更縣名曰間陽屬廣寧府元改為千戶所至元十五年以戶口繁多復立行千戶所尋復為間陽縣明初縣廢置間陽驛於此志云間陽城亦曰間陽鄉其西有高城唐太宗征高麗時嘗屯兵於此

讀史方輿

卷三十七

山東八

三

敷文閣

望平城

衛東北九十里漢置縣屬遼東郡後漢因之晉省遼置山東縣屬顯州金仍為望平縣元

曰望平千戶所尋復為縣明初省又遼西城亦在衛東北遼置遼西州阜城軍統長慶縣仍屬顯州金廢○險瀆城在衛東南漢屬遼東郡應劭曰縣依水險故曰險瀆後漢屬遼東屬國金廢

川州城

衛西北百二十里遼志本唐青山州地屬營州都督府遼初置白川州尋曰川州長寧軍

領宏理咸康宜民三縣金初因之大定六年廢川州為宜民縣屬懿州路承安二年復置川州泰和四年仍罷州以宜民縣屬興中府元復曰川州屬大寧路明初廢志云川州有東西二城東川州遼所置也西南去義州衛百五十里西川州金所置南至義州衛九十里又有徽川城在川州西金志承安二年以徽川寨為徽川縣屬川州泰和四年州廢縣亦罷

懿州城

衛北二百二十里遼置慶懿軍更為廣順軍尋為懿州寧昌軍領寧昌順安二縣金因之

初隸咸平府後屬中京路領順安靈山二縣元以靈山縣省入順安又省順安入州至元二十四年

諸王乃顏反元王發上都兵討之至撒兒都魯之地敗之既而其黨犯威平宣慰塔出之瀋州分遣亦兒撒趣懿州悉平之明初置廣寧後屯衛於此永樂八年徙衛入義州又寧昌城在懿州北二十里本渤海之平陽縣遼改曰寧昌為懿州治金徙州治以寧昌并入順安又靈山廢縣在懿州西金志本渤海之靈峯縣金曰靈山元省

間州城 在衛東北遼置志云以近鑿巫閭山而名在遼州西百三十里西北至上京臨潢府九百五十里金廢又順州城在衛東北百二十里遼志漢遼東郡遼隊縣地也遼置順州西北至上京九百里金廢○豪州城在衛東北二百二十里遼志漢遼東西安平地也遼置州西北至臨潢七百二十里金廢又渭州城在衛東北二百二十里遼志亦曰高陽郡金廢

同昌城 衛西北百九十里遼初置長慶軍尋曰戌州與府軍統同昌縣金州廢屬川州大定六年改屬懿州承安二年復隸川州泰和四年改屬義州元廢遼志成州在宜州北百六十里北至臨

讀史方輿 卷三十七 山東八 一五 敷文閣

橫七百四十里○肇州城在衛北境元史至元三十年以阿八刺忽者之地產魚立肇州城元貞元年立肇州屯四萬戶府於此元末廢又金置肇州見開元衛境

鑿巫閭山 山也周禮職方幽州山曰醫無閭即此亦謂之北鎮隋開皇十四年詔以醫無閭為北鎮是也其山掩抱六重亦謂之六山巖洞泉壑種種奇勝山麓有石門自衛城西北經平坂兩山屹立如門有谿中出巖壑窈窕峯巒迴合契丹耶律突欲嘗讀書山巔築堂曰望海及卒遂葬於此謂之顯陵顯州之名以此○蛇山在衛東三十里巖嶂稠疊徑路崎嶇又有盤山在衛東九十里又衛北二十里有三尖山東北九十里有白雲山又北三十里有

鞍山

疾藜山 在衛北塞外宋政和七年遼王延禧以金人取東京募遼東人為兵使報怨號曰怨軍命耶律淳將之屯於疾藜山既而金將幹魯古等與淳戰淳走金人追至河里真陂遂拔顯州於是乾

懿州皆降於金

牽馬嶺 衛西北六十里山脈與鑿巫閭相接勢極險峻中通驛路行者必下馬攀援乃得越故名

今置驛於此又西至義州衛五十里又白土嶺在城北六十里

板橋河 出鑿巫閭口同源異流一經衛城北一經衛城南俱至城東南合蘆溝及雙峯河入海今

城西有板橋驛以此名又衛西有楊郎河亦出鑿巫閭山合於板橋河○珠子河在衛東北源出白

雲山南流入遼河又有細河在城西六十里源出衛出衛西北百里之響山南流合於大凌河

路河 衛東四十里其流為羊腸河源出白雲山經鎮武堡高橋鋪入鑿乃湖又東合潮河流入於

三岔河中間有沙嶺地形高阜多沙河易淤自盤山驛以東九十里每霖雨河水泛濫軍馬策應嘗

虞艱阻正統中於沁河築隄岸為長廣道河水通行初起海州東昌堡南十四里布花堡西至廣寧

城北凡二百里後由廣寧東制勝堡至東昌凡百七十里自海運廢河道遂阻塞志云路河以緣

讀史方輿

卷三十七 山東入

禹

敷文閣

紀要

路濬河而名遼地多泥淖路河濬可以外禦敵騎

內洩瀦水達於海嘉靖末嘗因舊迹濬河築隄行旅稱便久之隄日頽河日淤敵得乘隙以入而內

水無所洩豬為洿池地不可耕久雨則行旅斷絕矣此宜急為修築邊防水利胥有賴焉者也又高

橋河在衛東南四十里衛東南六十里又有龍灣河舊皆通於路河

雙峯湖 衛南二十里源出鑿巫閭山東西沿流通板橋河又莽獐湖在城南九十二里○古老無

名泉在城北二泉湧出自城西南流入城中至東南隅達於滅濠四時不竭汲者便之又滿井在城

西北二里水甘美人多汲飲雖旱嘗滿

白土厰關 城北七十里諸部於此入市又分水關在衛城北八里上有鎮北樓又魏家嶺關在衛

西北六十里

通定鎮

在衛東百八十里近遼水舊志高麗於遼水西置軍以警察渡遼者謂之武厲遷隋大業

八年代高麗惟得遼水西武厲灘之地置遼東郡及通定鎮而已九年詔修遼東古城以貯軍糧卽所置遼東郡城以仍舊名亦曰古城也唐貞觀十八年伐高麗李世勣自通定濟遼水趣元菟卽此又唐壘志云在衛東南三十二里唐太宗征高麗屯兵於此因名○夫犁營在衛西或曰夫犁當作巫閭蓋依山結營以鑿巫閭山爲名也後漢元初二年遼東鮮卑圍無慮又破夫犁營殺縣令蓋卽無慮合或誤以夫犁爲縣賢曰夫犁故城在營州東南或以夫犁爲徒河縣地皆誤也

鎮邊堡

志云鎮邊堡在衛西北七十里又西有盤嶺可以按伏又鎮邊堡在衛東北六十里其西南曰東安堡又鎮寧堡

在鎮遠堡東南四十餘里堡西有蛇山可按伏○

鎮安堡在衛北三十里其西北有鎮靜堡又團山堡在衛西北二十五里

鎮武堡

此又東八里曰西與堡堡東南又有西寧堡

西寧之西曰西平堡又平洋堡在衛東二百里接海州衛界亦曰平洋舖○制勝堡在衛東二十里

讀史方輿

卷三十七

山東八

五

敷文閣

紀要

一統志堡在衛北境者曰鎮安鎮邊青石團山雙樹北安東安南安西安中安等堡在東境者曰高廟倒塔板橋平洋等堡在南境者曰四塔間陽柳河十三山豐安沙窩沙墩海潮大覺凌河雙峯等堡凡二十五云又有鹽場砦在衛南百里

十三山驛

在衛西南七十里卽十三山堡也又西八十里達錦州之小凌河驛又高平驛在衛

東四十五里又衛東九十里有盤山驛○老虎林在邊外百餘里三衛所居也

義州衛

司西北五百四十里東至廣寧衛百二十里東南至廣寧右屯衛亦百二十里南至海岸百四

十里西南至廣寧中屯衛九十里西至邊外廢興中州百六十里

秦漢遼西郡地漢末爲山戎所據唐爲營州地遼置

宜州崇義軍金改爲義州屬中京路元屬大寧路明

初州廢洪武二十二年置今衛

衛山川環峙迫處疆索亦控馭之所也

廣寧後屯衛

在義州衛治西偏洪武二十五年置初治舊懿州永樂八年徙治於此

宏政廢縣

今衛治漢置象縣屬遼西郡後廢遼置宏政縣為宜州治在今衛東北二十五里金

移今治元省縣入州明初州廢洪武二十二年置衛因故城修築周九里有奇正德中復修治城南有南關周一里有餘

聞義廢縣

衛南四十里遼置海北州屬廣化軍治聞義縣金皇統三年州廢縣屬義州元省

青山

衛東三十里有塔又衛東北五十里有隘口山又十里有駱駝山與廢川州接界○牛心山

在衛西六十里與廢興中州接界又衛北二十里有石門山又北十五里有嘉福山

擦牙山

衛西北六十里其相近者曰營成山又雙山在衛南十五里又有入塔山

大凌河

衛西北六十里源出廢大寧衛之松山流入境東南流經衛東又經廣寧左右屯衛界下

讀史方輿

卷三十七

山東八

三六

敷文閣

紀要

流入海○隘口河在衛東北八十里源出廢川州之雙峯山流入清河志云雙峯山在衛東北九十里又清河在衛東北百里源出廢

川州境南流合隘口河入大凌河

石河

衛南四十里源出衛西南山中流為石房河經衛城西一里南流為石河又東入大凌河

二十里又有泥河出西山中經流衛東二十里之柞頭山入大凌河

大定堡

衛西南七十里堡東南有十方寺由大定而西北有大康堡其相近又有義家堡○太平堡在衛

北六十里堡南有狗河寨可按伏又有黃泥溝黑鷹山賊衝也又大寧堡在太平堡東二十里堡南有金家溝可按伏又有達達嶺分水嶺為賊衝又

正義堡在大寧堡南二十里

大靖堡

衛東北七十里其東曰大清堡又東接廣寧之鎮夷堡○永寧堡在衛東三十里又有柞

頭堡在衛東二十里以近柞頭山而名其在衛東者又有遼鎮堡三家城等堡

塔山堡

衛東南六十里其相近者又有塔山南堡塔山北堡又五里莊堡在衛南其相近者又有

鵝食團山樂家開川等堡又泥河堡在衛南二十里其東北又有城南堡石家堡在衛西南其相

近者曰八塔山堡又青榆林堡在衛西其北為萬佛堡以近萬佛山而名志云山在衛西十五里又

衛西北邊外百餘里有凌河屯邊防攷凌河墨州上涌三衛地險隘皆在義州塞外

廣寧中屯衛

司西北六百里東至廣寧衛百八十里北至廢興中州百五十里西北至故大寧之

廢建州百五十里西南至寧遠衛百二十里南至海岸五十里

秦漢遼西郡地東晉時慕容皝置西樂郡

遼金志俱作西樂郡

後墟其地遼置錦州臨海軍金因之屬大定府元屬

大寧路

皆兼置臨海節度於此

明初仍為錦州洪武二十四年

改置今衛

讀史方輿

卷三十七 山東八

三七

敷文閣

紀要

衛山川盤錯屹峙邊陲稱為形勝

廣寧左屯衛

在中屯衛治西洪武二十四年置

永樂廢縣

今衛治遼置為錦州治金因之元省縣入州明朝改州置衛因舊城修築周五里有

奇成化十二年復增築宏治十七年并城南關今城周七里有奇形勢若盤谷謂之盤城

安昌城

在衛西遼置安昌縣屬錦州金因之元省陳元觀曰元臨海節度領永樂安昌興城神水

四縣攷諸志無興城縣

神水城

在衛西北遼志漢徒河縣地屬遼西郡遼開泰二年置神水縣屬大定府金改屬錦州皇

統三年廢為神水鎮尋復為縣元廢志云城北有瀋石山堡金末蒙古將木華黎鎮北京大定府降

將張致據錦州以叛華黎以致地險兵精欲設奇取之遣兵急攻瀋石山堡而使別將屯永德西十

里致馳救瀋石永德軍亦至致敗走錦州遂下口永神水與致遇永德軍亦至致敗走錦州遂下口永

德城在衛北遼初置安德縣屬乾州改屬霸州
升置安德州化平軍於此金州廢大定七年改爲
永德縣屬興中府元廢志云永德城西去北
去神水城五十餘里東北去興中城百里

木葉山 在衛東三十里契丹阿保機建南樓於木葉山
在今三衛境內廢永州非此山也又紫荆山

在衛東八十里望海山在衛
東南十五里山高可望滄海

紅羅山 在衛西六十里亦名紅螺山有大小二山綿亘
東西百餘里今因其勢築長城爲一方之障

塞又白雲山在衛西二十五里士人以山驗晴雨

○杏山在衛西南四十里今有杏山驛又西南三十
里有乳峯山中峯如蓋東西十二峯拱城北向
懸巖有竇泉出其中寒澗如乳又翠幙山在衛北

十里又北十五里有梯子山
又有望城岡在衛北入里

小凌河 在衛東南十五里出廢大寧衛界南流經衛西
南五里有女兒山至此並流而東又有哈喇河在衛南

十里亦東流合於小凌河又南注於海志云衛西
十里亦東流合於小凌河又南注於海志云衛西

讀史方輿

卷三十七

山東入

三

紀要

敷文閣

有小河名錦川州以此名或曰小凌河與諸水回
合如錦也○大凌河在衛東南四十里自義州衛

流入境又東南入
廣寧右屯衛界

松山堡 在衛南二十里以地有松山而名宣德三年置
中左千戶所於此屬中屯衛又大凌河堡在

衛東四十里以近大凌河而名宣德三
年亦置中左千戶所於此屬左屯衛

大興堡 在衛西六十里又西與寧遠衛接界堡北有新
莊子可屯兵又大福堡在大興堡東北又東

爲錦昌堡○大鎮堡在衛西北三十里其西曰沙
河堡又大勝堡在衛北其南曰蔡家堡有分水嶺

可以
撈伏

大茂堡 在衛東北四十里其南曰流水堡有葦子溝可
以按伏自堡而東接義州之大定堡○年豐

堡在衛東四十里一統志衛境自東轉南有廣濟
順陽營豐仁和大有廣盈嘉禾順寧樂安豐稷春

華西杏西和永豐臨川富有錦昌豐稔興稼得安
南陽福寧秀穎蔡家西寧凡二十五堡又衛境鹽

鐵場凡四其鹽場百戶所一在城南六十里一在城南八十里鐵場百戶所一在城西六十里一在城南百里

小凌河驛衛南三十里又衛西四十里有杏山驛又西六十里達寧遠衛之連山驛邊防攷遼東之木市凡三置於錦州寧遠及前屯衛

廣寧右屯衛司西五百里北至廣寧衛百二十里西至廣寧中屯衛八十里南至海岸三十里

秦漢遼東郡地遼為顯州地金為廣寧府地元因之

洪武二十七年改置今衛

衛南臨大海北峙鑿閭遼左有事此亦出奇之地矣

右屯衛城今衛治元間陽縣之臨海鄉也洪武二十六年置衛於十三山堡二十七年遷治於此永樂中築衛城周五里有奇

讀史方輿卷三十七 山東八 敦文閣

紀要

十三山衛北三十里五代胡嶸北行記十三山西南去幽燕二千里又遼史燕王淳討武朝彥至乾州十三山即此又塔山在衛北四十里有塔在其上因名

大凌河衛西二十五里自廣寧中屯衛流入境又東南入於海又城東一里有枯凌河從大凌河分流或盈或涸故各亦東南入海

黑林堡衛西北五里又衛東南有河通堡一統志自衛境東北折而南有枯樹東海枯凌河檳榔常豐女真等六堡又鹽場百戶所在衛南二十里鐵場百戶所在衛東五十里

望海頰在衛西南隋大業八年伐高麗敗還勅運黎陽洛口太原等倉穀向望海頰圖再舉謂此

廣寧前屯衛司西九百六十里西至山海關七十里南大寧廢衛三百七十里

秦漢遼西郡地晉及後魏因之唐初為營州地咸亨

中置瑞州於此契丹置來州歸德軍金天德三年改
為宗州泰和六年復為瑞州避金主睿宗諱也元亦曰瑞州

屬大寧路明洪武二十五年改置今衛

衛襟帶燕薊控扼營平當戎索之要衝司雄關之鎖

鑰誠咽喉重地也

來遠廢縣

今衛治唐史貞觀十年以烏突汗部落置威州於營州境後改瑞州又置來遠縣為

州治後廢契丹改置來賓縣來州治焉金曰宗安縣泰和六年改曰瑞安元省縣入州明改置衛因

舊城修築周六里有奇

海陽城

在衛東遼志漢海陽縣地屬遼西郡瀕海多鹹鹵置鹽場於此慕容皝置集寧縣遼置

州平海軍金州廢縣屬瑞州元省。海濱城在衛西八十里遼志本漢陽樂縣地屬遼西郡遼置潤

讀史方輿

卷三十七

山東八

三

敷文閣

紀要

州海陽軍統海濱縣金州廢縣屬瑞州元省明初置東關遞運所於此

遷民廢縣

在衛西北遼置亦漢陽樂縣地統和中置遷州興善軍統遷民縣金州廢又廢縣為

遷民鎮屬海陽縣元仍曰遷民鎮屬瑞州致和元年燕帖木兒迎立懷王於大都上都諸王也先帖

木兒等自遼東以兵入遷民鎮即此

萬松山

在衛西北十五里綿亘東西百餘里連山海永平界山多松因名山北相接者曰五指山

五峯秀拔若五指然志云五指山在衛北五十里○三山在衛西北三十里高數千仞二峯並秀遼

志謂之三州山又鐵場山在衛北三十里衛東北百五十里又有九洞山

十八盤山

在衛北九十里紫回曲折十有八盤志云衛北三十里有石梯山昔人鑿石為梯以便

登陟處也又有關山在城北十五里○灰山在衛西北七十五里又衛西北九十里有龍門山志云

衛西北三十里有蛇倒退山以險峻難越而名又大寨兒山在衛東北四十里衛東北二十里又有

小兒寨山

橫嶺衛北二十里又北十里曰分水嶺青石嶺衛東其相接者曰高嶺又西四十里曰歡喜嶺○麻子峪在衛東南七十里鹽場百戶所置於此又山口峪於此又衛西北四十里有寺兒峪

急水河源出歡喜嶺經衛西五十里入海又有慢水

在衛東北七十里大寧建州等六州之水合流入境南流經衛東北十五里又東北二十五里有三道

杏花溝衛東北二十五里又東北二十五里有三道溝又東北二十里有葦子溝又爛泥溝在衛

東五里又衛北三十里有芍藥溝○白龍潭在衛東南七十里南流入海又衛西北三十里有黑龍潭

山海關衛西七十里與直隸永平府接界詳見直隸重險

讀史方輿卷三十七 山東八

紀要

急水河堡衛西五十里宣德二年增置中前千戶所於此堡南有芝麻灣濱海要地也○杏林

堡在衛東五十里宜德三年增置中後千戶所於此

鐵場堡衛西六十里與山海關接界又永安堡在衛西北四十五里皆隱堡在衛西北三十里志

云嘉靖二十五年置又三山營堡在衛西北三十里○平川營堡在衛北三十里又東北為瑞昌堡

又東北為高臺堡志云自高臺入盤嶺二百五十里又北入毛安舖二百里皆前屯舊界也

三道溝堡衛東北七十里又東為新興營堡嘉靖三

兒辛愛犯遼東新興堡即此又錦川營堡在衛東北九十里又東接寧遠衛界

塔山堡衛東南六十里又安寧山堡在衛東北五十

堡在衛西南四十里一統志衛境自北而東南有戰歌安家慶春永豐古城廣積積糧長安鎮安永

安蛇山海濱劉興興安城南老軍屯二十四堡

敷文閣

檄木衝

衛西北三十里其相近者又有碾兒衝○黃

衝又十里為老鸛衝邊防考衛境塞外百里有鐵嶺川三衛所居也

沙河驛

衛東北四十里又東三十里達寧遠衛之東關驛又高嶺驛在衛西南三十五里西入山

海關之道也

寧遠衛

司西北七百里西至廣寧前屯衛百三十里東南至廣寧中屯衛百八十里東至廣寧衛三

百里西北至故大寧衛廢利州百五十里

秦漢時遼西郡地唐為營州地遼為錦州及來州地

金元亦為錦瑞二州地明初為廣寧前屯及中屯二

衛地宣德三年始置今衛

衛內拱巖關南臨大海居表裏之間屹為形勝

讀史方輿

卷三十七

山東八

三

敷文閣

紀要

寧遠城

今衛治創建於宣德三年撫臣包德懷所奏置據三首山為固城小而堅周七里有奇

和州城

衛北百二十里元初置和州屬大寧路至元五年并入利州為永和鄉利州見廢大寧衛

三首山

衛東二里三峯相峙上有泉四時不竭又望西南二十五里上有入小塔

又鐵帽山在衛西十八里

大團山

衛西北三十里中高四下固守之可斷北寇出沒之道今團山堡置於此又鎮山在衛西

北二十里其相近者又有雙山又刺梨山在衛北與塞外相接○長嶺山在衛東北五十餘里今有

長嶺山堡萬歷中朵顏寇連山驛總兵杜松出中屯所長嶺山夜至塞外之哈流寇襲敵營大有斬

獲志云長嶺即紅螺山之别名今衛東北五十六里為小紅螺山衛東北六十里即大紅螺山蓋與

中屯衛接境處也

白塔峪

衛西北三十五里又衛西六十里有石峽口其泉流為曲尺河東入海○桃花島在衛東

十五里海濱海舟往來恒泊於此又覺華
島在衛東南二十里上有海雲龍宮二寺

寧遠

源出城西西北山谷中流至城西分爲二池環

五里有七里河源出廢和州東南流入海又東北二十

里亦出和州境下流入海○北沙河出衛西四十里羊角山

俱東流入海志云城東三里又有沙河源出衛北

東關河

在城西六十里自大寧境流入上通六州河

一里東南入海又有石橋河在衛西十三里源出

鐵帽山南流入海○西湖在衛西十五里有藕茨

海

衛南二十五里又衛東南至海僅十五里

塔山所

於此屬寧遠衛所城周三里有奇嘉靖三年

讀史方輿

卷三十七 山東八

三

敷文閣

紀要

修築○小沙河所在衛西四十里宣德三年別置

黑生窠堡

與廣寧前屯之錦川堡接界又仙靈寺堡

在黑生堡東其東又有小團山堡堡西有五澗山

可屯兵堡西北爲老虎衝可接伏○興水堡在衛

西北五十里堡北有烟籠山可屯兵堡東爲玉保

寨兒山堡

爲橫嶺可接伏又灰山堡在寨兒山堡東

○松山寺堡在衛東北四十里堡東有廟兒山可

屯兵又沙河寨堡在衛東北四十餘里又東北即

長嶺山堡也又椴木衝堡在衛東北六十里又東

連山驛

城東北三十二里又曹莊驛在城西南十三

里城東關驛在城西六十里又西六十里爲前

屯衛之沙河驛又九窰衛在衛東北四十里○魏文

塔在衛東萬歷中三衛賊嘗聚此犯寧前諸處或曰即塔山所也又東南為湯池驛

故屬錦州置站於此西達曹莊驛

潘陽中衛司北百二十里東南至鴨淦江六百

禹貢青州地春秋戰國時屬燕秦漢為遼東郡地晉

及後魏因之尋為挹婁國地唐得其地屬安東都護

府後沒於渤海置潘州遼置興遼軍後更名潘州亦

曰昭德軍金因之後更為顯德軍元曰潘陽路元志

濟州燬於兵火元初徙高麗降民散居遼陽置高麗

軍民萬戶於潘州以城郭初創寄治遼陽故城中統

二年改為安撫高麗軍民總管府及高麗舉國內附

又分置安撫高麗軍民總管理潘州元貞二年併兩

司為潘陽等路安撫高麗軍

民總管府仍治遼陽故城

明洪武二十年置今衛

讀史方輿卷三十七 山東八 三 敷文閣

紀要 衛控禦荒徼撫集邊氓遼陽之頭目廣寧之唇齒也

樂郊城今衛治遼初俘薊州三河縣民置三河縣於

此後更為樂郊縣潘州治焉金因之後廢明

朝洪武二十一年修築故城周十里有奇

城南又有南關城周不及一里遊兵居焉

章義城衛西南六十里遼志云漢襄平縣地高麗置

當山縣渤海為鐵利郡契丹初置鐵利州統

和八年州省開泰七年復置廣州治昌義縣金皇

遼濱城衛西北百八十里高麗之遼東城也唐太宗

克之改曰遼州時亦謂之新城以別於遼東

故城也唐史貞觀十八年伐高麗江夏王道宗將

兵數千至新城二十年復伐高麗命李世勣將

州兵自新城道入永徽三年高麗侵契丹松漠都

督李窟哥將兵禦之大敗高麗於新城儀鳳二年

徙安東都護於新城以統高麗百濟之地此唐所

名之新城也後為拂涅國城勃海置東平府督伊

蒙陀黑北五州契丹阿保機攻渤海先克東平五州皆下復置遼州於此并置遼濱縣為州治亦曰東平軍德光更為始平軍金皇統三年州廢縣屬瀋州元并廢縣近志謂之遼陽城又謂之顯州城皆悞也

北豐城

在衛西北後漢末公孫度據遼東置城於此謂之豐城司馬懿伐遼東豐人南徙青齊其

畱者曰北豐宋元嘉十五年北燕主馮宏奔高麗至遼東高麗處之平郭既而徙之北豐尋殺之胡氏曰慕容翰議以偏師從北道攻高麗即此豐道云○白巖城在衛西高麗所置城也唐貞觀十八年克遼東城進軍白巖城克之改置巖州渤海曰巖州白巖軍治白巖縣契丹因之改屬瀋州金廢

貴德城

衛東八十里遼志漢襄平縣地契丹置貴德州寧遠軍於此治貴德縣金因之元廢又有

奉德廢縣在貴德州東遼志渤海綠城縣地契丹置奉德州於此尋降為縣金省○奉集城在衛東南遼志高麗置霜巖縣於此渤海置集州治奉集縣契丹仍曰集州又為懷衆軍金廢州以奉集縣

讀史方輿

卷三十七山東八

三五

敷文閣

紀要

屬貴德州元縣廢今為奉集堡有鐵場百戶所屬鐵嶺衛志云堡東去鐵嶺衛二百十里

崇信城

在衛東遼志漢長岑縣地屬樂浪郡渤海置崇州領崇山瀉水綠城三縣遼仍置崇州亦

曰降安軍并崇山三縣置崇信縣為州治在東京東北百五十里金廢○元菟城在衛東北漢武開朝鮮置元菟郡領高句麗上段台西蓋馬三縣又昭帝元鳳六年築元菟城陳壽曰元菟郡本治沃沮城後為夷貊所侵徙治高句麗縣西北是也公孫度據遼東復置元菟郡於遼東東北二百里晉因之即此城矣隋大業八年伐高麗分遣辛世雄出元菟道唐貞觀十八年征高麗拔元菟城皆謂此城也

東牟山

衛東二十里唐高宗平高麗渤海大氏以衆保挹婁之東牟山唐史山東直營州三千里

武后時大祚榮築城於此居之其國界南至新羅以泥河為界東窮海西契丹蓋即此山矣或云在二衛福餘境內悞又黑山亦在衛東北四十里層巒疊嶂為諸山之冠又黑山亦在衛東北○長山在

衛西北八十里又衛東南二百里有三
角山又有蘇木嶺在衛東三百八十里

薄刀山 在撫順關口亦曰剝刀山志云塞外有不
門山有分水嶺○媳婦山亦在撫順關外

渾河 衛南十里自衛東北塞外流入境又南入定遼
衛界○遼河在衛西百十里自鐵嶺衛流入界

又南入定
遼衛境

浦河 衛北三十里源出輝山西流入渾河又沙河在
衛東南亦西流入渾河又有夾河在撫順城南

四十里源出塞外分水嶺
亦西流至衛南入於渾河

小瀋水 衛西南四十里東流入於渾河亦謂之活水
宋政和六年女真阿骨打攻遼叛將高永昌

於遼陽取瀋州永昌帥眾拒金人於活水金師既
濟永昌軍不戰而却逐北至遼陽城下永昌敗奔

長松其下執之以獻於是東京州郡皆降於女真
長松蓋與遼陽相近或以為即司東境之松山

撫順所 衛東北八十里志云金貴德州地洪武二十
一年置撫順千戶所屬瀋陽中衛城周二里

讀史方輿

卷三十七

山東八

三

敷文閣

蒲河 所在衛北四十里洪武二十一年置
蒲河千戶所屬瀋陽中衛城周不及一里

撫順關 在撫順所東二十
里置馬市於此

靜遠堡 衛西七十里與定遼衛之長營堡接界其相
近又有陳寧堡○上榆林堡在衛西北四十

里其相近者有倒塔兒空堡萬歷末增置又十方
寺堡在蒲河所西北其南有馬空堡亦萬歷末增
置

武靖堡 衛西南七十里又衛南六十里有永盈堡志
云衛南又有常豐慶稔嘉禾大有土母河五

堡○會安堡在撫順所東十餘里所西南又有渾
河塔下二堡志云衛西有高墩屯宏治中嘗議建
營堡於此又有鐵場百戶所在衛東九十里安平
口 山山屬定遼衛又有鹽場百戶所在海州之梁戶

古勒寨 在撫順關外百餘里○八甌口在衛東境宋
政和六年遼東京禡將高永昌以二千兵屯

八甌口誘其渤海戍卒
作亂入遼陽據之即此

鐵嶺衛司北二百四十里南至撫順千戶所一百里

秦漢時遼東地渤海置富州契丹更名銀州金皇統

三年州廢以其地屬咸平府元因之明洪武二十六

年置今衛

衛控扼夷落保障邊陲山川環繞屹為要地

新興城今衛治本渤海富壽縣為富州治境有延津

遼更名延津縣銀州治焉金皇統三年州廢

更置新興縣屬咸平府金末廢元因之明洪武二

十一年在今衛治東南五百里故鐵嶺城置鐵嶺

衛與高麗接壤二十六年徙治於此因故城修築

周五里有奇又有故新興城在今衛東遼志云故

越喜國地渤海置銀治於此因置銀州遼故富州

為銀州以故銀州置新興縣屬焉是也金并入延

津縣又改延津為新興縣

挹婁城衛南六十五里本挹婁地遼志漢樂浪郡漢

寘縣地渤海置興州領盛吉蒜山鐵山三縣

遼廢尋復置興州與中軍治常安縣金州廢大定

二十九年改為挹婁縣屬瀋州元縣廢今為懿路

慶雲城衛西北五十里本渤海蒙州地契丹阿保機

為祺州佑聖軍縣曰慶雲縣金州廢縣屬咸平府

元廢縣為慶雲驛元志至元三十年置遼陽路自

東北本渤海優富縣地契丹置永平寨於此尋升

銅山城衛西北五十里遼志渤海東平寨地契丹置

永昌縣金州廢尋改置銅山縣屬咸平府元廢

雙城廢縣在衛西六十里本挹婁故地渤海置安

讀史方輿卷三十七 山東八 三五 敷文閣

定郡及安夷縣後廢契丹置雙州保安

咸平城

在衛東北遼志漢樂浪郡侯城縣以北地高麗為銅山縣地渤海為銅山郡地在龍泉府

之南多山險寇盜以為淵藪契丹建城於此初號

郝里太保城開泰八年置咸州安東郡治咸平縣

金曰咸州路天德二年升咸平府大定中又改咸

平縣為平郭縣貞祐初耶律雷哥聚眾隆安金人

討之為所敗盡有遼東州郡稱遼王都於此元初

縣廢以咸平府隸開元路後改隸遼東宣慰司明

歸仁城

在故咸平東境遼志通州安遠軍本扶餘國

王城渤海號扶餘城遼初故置龍州尋曰通

州領通遠安遠歸仁漁谷四縣金州廢以三縣并

入歸仁屬咸平府元初廢又玉山廢縣在咸平東

南金置縣屬咸平府貞祐二年升為玉山州順安

軍金末廢○榮安廢縣在衛西北遼河東岸金置

屬咸平府元廢

讀史方輿 卷三十七

山東八

三

數文閣

龍首山

衛東二里又衛東三十里有松山又東六十

里有天灰山○虎頭山在衛東南百十里又

衛東八十里為山羊山皆東面之障蔽也

保山

衛西北三十里遼河西岸又馬鞍山在衛西百

十里遼河之西又有塔兒山在衛西南四十里

又西南四十里有上塔兒山又西南十里為下塔

兒山三山亦俱在遼河之西○黃山在衛西南五

十里又西南十里曰猪兒山

又有寨坡嶺在衛南六十里

遼河

衛西八十里自三萬衛南流入境又南入瀋陽

衛界○柴河在衛北二里源出衛東松山之西

會諸水而西入遼河又泚河在衛南三十里出松

山之東亦會諸山之水曰南流經黃山塔北流入

於遼河

小清河

衛南六十里源出廢貴德州南山中西流經

懿路城南又西入於遼河又泥溝河在衛南

八十里源出瀋陽衛之東山西北流入境

又西流經瀋陽之十方寺堡入於遼河

懿路所

即故挹婁城也明初置中右千戶左千戶

調左左千戶所於懿路城永樂初蒙古鬼力赤等
寇遼東懿路寨即此城也五年因舊城修築周四
里有奇八年復調中千戶所成於此嘉靖三十七
年改築懿路關廂四十四年復增築焉○泚河所

在城南三十里正統四年調中
左千戶所於此築城周不及里

三岔兒堡

有張家接近堡又有黃泥窪賊徑也又東

南有二道關又東有三道關○丁字泊
堡在懿路所西接瀋陽衛蒲河所界

宋家泊堡

有白家衝堡西南接三岔兒堡又有曹遲

堡在宋家泊堡東北其東北又有平定堡又東北
接三萬衛之定遠堡志云所東有李屯堡嘉靖間
增

撫安堡

衛東五十里其東有石門堡可屯兵南有小

續史方輿

卷三十七 山東八

三

敷文閣

紀要

西堡在衛西北遼河外近堡有熊官兒屯官軍嘗
禦敵於此又堡東有彭家灣堡嘉靖中增築○常

登秀穎豐平大有富豐安福團山康嘉凡八堡

三萬衛

司北三百三十里南至鐵嶺衛百二十里西至
廢懿州三百七十里東北至三衛境廢信州二

百千

占肅慎地隋唐時為黑水靺鞨所居唐元和以後渤

海取其地屬上京龍泉府渤海衰黑水女真復有之

後滅遼此為會寧府之地金末其將蒲鮮萬奴據遼

東蒙古克之至元二十三年置開元路元史元初平

南京二萬戶府治黃龍府至元四年更遼東路總管

府二十三年改為開元路王氏曰開元者金上京境
內地名元平遼東引師至此遂定其地時上京一帶
頃已殘燬因改建開元路以三萬衛為即會寧故地

也者悞 明洪武二十一年置諸軍民府二十二年旋罷

府置今衛

衛控臨絕徼翼帶鎮城居全遼之上游為東陲之險

塞

遼海衛 在三萬衛治東北洪武二十一年置
初治牛家莊二十六年移治於此

安東衛 在三萬衛治西
南永樂七年置

開元城 今衛治元或作原悞也蒙古窩濶台六年初
立開元南京二萬戶治黃龍府或以今城即

黃龍城非也蓋初寄治於黃龍府後徙今治明初
因舊城設三萬衛洪武二十五年修築周二十三

里有奇

廢信州 在衛東北四百里遼志云本粵喜故城渤海
置懷遠府治懷福縣遼改置信州彰聖軍又

讀史方輿

卷三十七

山東八

旱

敷文閣

紀要

改置武昌縣為州治金因之元州縣俱廢又定武
廢縣在信州境本渤海豹山縣地遼置定功縣又

改為足武縣
屬信州金廢

廢韓州 在衛東北遼志云本葦離國舊治柳河縣高
麗置鄭頡府都督鄭頡二州渤海因之後廢

契丹初置三河榆河二州尋併二州置韓州東平
軍金因之又增置臨津縣為州治而以所統柳河

縣屬焉元初廢○柳河廢縣在韓州境遼志本渤
海粵喜縣地遼置柳河縣屬韓州金因之元省

廢鳳州 在故韓州北二百里遼置志云亦葦離國故
地渤海之安寧郡也契丹置州西北至上京

九百里金廢○九連城在衛東北九十里柳木川
東岸賊連屬有九因名明初征納哈出駐兵於此

黃山 在衛東北十五里又衛東一十里有塔兒山又東
四十五里有松山○刀鞞山在衛西南二百五

十里刀鞞蓋二山西相連又熊山在衛西
北百九十里與刀鞞山俱在遼河西岸

金山 在衛西北三百五十里遼河北岸一名曲呂金
山又西北三十里曰東金山又二十里曰西金

山三山延亘三百餘里明初馮勝破納哈出於此
詳見直隸兀良哈境○牛心山在衛東北三百五
十里志云在艾河之北土河之東又阿兒干
山在衛東北三百五十里廢信州之東南

分水嶺 有二東嶺在衛東二百五十里密河西岸西
嶺在衛北二百里遼河西北天順三年大帥
趙輔分遣左軍出渾河柴河石
門河土木河至分水嶺是也

金線河 在衛城東北西流入城出西水
關又南入清河夾岸多柳因名

清河 衛東五十里謂之大清河源出分水嶺流經城
東南有小清河自衛東流合焉經城南西流入
於遼河○密河在衛東二百五十里自塞外流入
合於大清河又馬鬃河在衛西三十里源出衛東
北境黑嘴山繞黃山後西衛流入於大清河又衛
東北百里有卹水川源亦出分水嶺下流入大清
河

艾河 衛東北二百五十里源出塞外流經衛東北境
黑嘴山與土河會又上河在衛北二百五十里
讀史方輿 卷三十七 山東八 罕

紀要

敷文閣

亦自塞外流入至黑嘴山合於艾河二河合流謂
之遼海經衛西八十里又西南流入鐵嶺瀋陽境
即遼河之上源也○塗河在衛西北二百五十里
自塞外流入境南合遼河又有亮子河出衛東北
境槍竿嶺西南
流入於遼河

鎮北關 衛東北七十里海西族朝貢市易處又廣順
關在衛東六十九里靖安堡東嘉靖中海西
族分道款關因以鎮北曰北關廣順曰南關○新
安關在衛西六十里慶雲堡北又清河關在衛西
南六十里山頭關在衛南六十里各關俱有官軍
戍守志云衛南四十五里有中固城永樂五年築
撫順驛
置於此

靖安堡 衛東六十里近堡曰黃泥岡按伏
處也又東川堡在衛東南七十里

古城堡 衛西南四十五里又西十五里曰慶雲堡與
中固城定遼堡相為應援邊防攷衛城南舊
有馬市蓋○永寧堡在衛西北二十里其
東曰鎮夷堡近堡有皇甫城按伏處也

定遠堡

在衛南中固城西近堡有高麗屯可屯兵又

柴河堡在中固城東南近堡有關門衝可屯

兵又有馬家砦可接伏○威遠堡在衛東五十里

安堡西南與中固

城柴河堡接壤

清陽堡

衛北二十里又東二十里曰鎮北堡去鎮

瓦峪堡

衛東三十里又扣河堡在衛東南六十里一

統志衛境自東南轉西有實秀實穎迎陽扣

河長城東川福興關東嘉禾雍康石門常寧上饒

團山甘泉穀城向陽問糧古城儂安永慶長樂山

岡三山勸農富川聚貨梁山高粱中寨泉安黑穗

豐樂連湖永豐凡三十五堡俱有官軍戍守○曹

子谷寨在衛

東南寨外

亦赤哈答寨

在靖安堡邊外七十里

讀史方輿 卷三十七 山東八 三 敷文閣